

掌故叢編

第五輯

平放書圖

第五輯

掌故叢編第五輯
中華民國十七年五月出版

編輯所

故宮博物院
圖書館掌故部

發行所

景山西大高殿
電話東局九八七

印刷所

興華門內後細瓦廠
和濟印刷局



價目表		郵費	
每月一冊	五角	本埠	每期一分
半年六冊	二元七角	外埠	每期二分五
全年十二冊	五元二角	外國	每期五分

代售處

琉璃廠 商務印書館 中華書局 直隸書局
青雲閣 富晉書局 佩文齋
東安市場 佩文齋

清 仁 宗 像



攝政王致明將唐通書

[illegible]

攝政王多爾袞致明將唐通書稿

大清攝政王致書於唐大將軍麾下語有之衆鳥累百不如一鸚前朝名將似將軍者有幾旌拔不早事任不專以致胥溺可爲浩歎昨山海之役聞迫於寇原非得已而寇兵旣潰之後將軍不復再見闖賊海內人情皆有以諒將軍之心矣近聞駐旌保德意欲來婦佇俟久之未得確信傳言將因雲中姜將軍爲先容大丈夫斗大金印當自取耳豈能碌碌因人濟事乎我國家用人惟賢才是取惟功能是拔不追往事不記私讐即平西王在此亦惟日望將軍之來戮力同心共平天下將軍復何嫌何疑何慮何畏而不早定至計以建蓋世之奇勳也國家威靈將軍所深知大兵一臨難分玉石若先期率衆歸順則山河帶礪與國同休自有諸王公侯之典例在智者不背時而棄利勇者不遲疑以喪功事機之會間不容髮惟大將軍速圖其便金石可淪矢言不易盈盆一水跂予望之

新主作

名聞中外(通海兩江)投函不取

曰人真知以爲常業始者調度

諸唱鼓漁船樂之天香曲

物降者少紅雲中已

卷之四

...

求學堂方七藝格實傳信

知富達機母登復至

作 同 書 方 集 卷 五 十 四

明倫彙編 家範典

樞密院武庫省馬太尉軍府

嚴啟榮捐本何漢松

家文昨也。保者焉。

卷之四

100

攝政王致明將馬科書

攝政王多爾袞致明將馬科書

大清攝政王致書於馬大將軍麾下將軍昔在榆關名聞遼海南征之役馬不及秣又復還救恒山往返間關賊兵已入真定此乃秉樞者調度失宜非不戰之咎海內公論皆能諒將軍之心矣義兵西來市不易肆宣雲三晉次第歸降宅眷近在雲中已令所司保護給瞻比得音信始知將軍曲隨至陝勢不自由於六月初旬一到西安即差部丁馬新等五十餘人東來唐將軍爲渡其七然據馬新傳信則將軍不言之深意予已洞知宜速決機毋爲後至國家用人惟賢才是取惟功能是拔若將軍能同唐將軍率衆來歸則帶礪山河自有諸王公侯之典例在否則大兵一臨難分玉石我桓桓師武豈知有馬大將軍原不爲賊用乎良禽擇木何況高賢事機之會間不容髮惟將軍早圖其便以報前讐至忠也以歸興朝至順也以保眷屬至仁也一舉三善又何惑焉金石可淪矢言不易盈盈河廣秋以爲期不悉

掌故叢編 第五輯目錄

清仁宗像

影片

攝政王致唐通書

影片

攝政王致馬科書

影片

陳調元參宋權本

王廷諫參宋權本

吏部議陳調元王廷諫參宋權本

杜篤祐參劉顯績本

劉顯績陳說杜篤祐參本

吏部議杜篤祐參劉顯績本

以上六本 廿一至廿七 計七葉

鄂爾泰摺

十八至二十九 計十二葉

年羹堯摺

十至十九 計十葉

英使馬憂爾尼來聘案 二十五至三十一 計七葉

徐述夔詩案附殷寶山案 七至十二 計六葉

西征隨筆 四十一至四十九 計九葉

陳調元參宋權本

禮科右給事中臣陳調元謹題爲聖政方在鼎新大臣不宜溷瀆敬循職摘參仰祈聖鑒以別相品以候乾斷事臣竊念內三院之設政事之得失取決焉議論之是非待正焉此院臣職也至宋權以外撫而驟陞內院其恩遇不爲不隆方丁憂而特蒙眷留其倚託不爲不重而權疏首云前日進言實難是欺皇上也茲當聖主親政普天大慶果有末議當明白入告及臣接紅本細讀其所陳參欵支飾含糊大可異焉敬爲皇上陳之其一言起廢夫起廢盛典也權不言於聖旨未行之前而言於既行之後既行矣何待權言此一可異也其一言會推夫會推誠良法也前科臣杭齊蘇曾疏陳之在當時院臣啓請以爲不准行在今日院臣奏請又以爲必當行前後異同私心顯然此二可異也其一言巡方至重至大

夫重且大誰不知之當時宋權倡議以爲不用巡按是權定有一段公論以肅憲體以整臺規數月以來權無一言也及昨奉旨會議在權又當有一段確奏以別賢否以悉利弊旬日以來權又無一言也及今而始疏陳巡方語多不可解內云回道管事之官必非無故回道之人夫其故爲何故人爲何人何不據實指名明白入告而朦朧隱溷巧爲避怨之計以結倡議之局聖明之前豈敢有此且權也前者以凶服而與賓興之典不聞以服制自引繼也方出闈而即告葬親之假不聞以國事爲重而欲入告皇上又支飾含糊如此於子爲不孝於臣爲不忠輔佐大臣從無此品格抒誠末議豈有此建白敬摘參上聞伏乞聖斷施行緣係聖政方在鼎新大臣不宜溷瀆敬循職摘參仰祈聖鑒以別相品以候乾斷事理未敢擅便謹題請旨順治八年閏二月二十日

旨吏部議奏

王廷諫參宋權本

兵科給事中臣王廷諫謹題爲輔臣飾詞掩罪虧忠孝之道負特簡之恩祈賜罷斥以清政本事竊惟輔臣與諸臣不同而輔臣宋權又與諸輔臣不同拔諸節鉞登之揆席寵遇可謂隆矣奪其衰經任以機務責成可謂專矣爲臣子者不知當如何捐糜以圖報稱迺五年以來朝乘安車而入暮乘安車而出人趨人諾沉醉爲常絕未聞建白一言匡救一事設非滿漢別輔臣主持其間國是委之何人此其溺職之罪百喙莫辭近見皇上處分諸臣乃魂飛膽落謬以條陳苟且塞責其心術詭譎曖昧與夫首鼠觀望之狀可愧又可憐矣權云官無言責夫繩愆糾謬輔臣事也而諉云無責夫旣無責矣今日又胡爲言之豈昔無責而今乃有責耶權云

前日進言實難夫豈得已夫權乃墨而根王腹心人也阿諛逢迎
任專陞驟而乃佯卸云不得已其誰欺耶及閱所奏叁款又皆剽
竊雷同無裨廟謨其曰起廢前詔內山林隱逸之條已詳之其曰
會推前上傳京官探望之條已悉之至巡方一款愈令人不解矣
柒年會議力主停差者權也今云代天子巡狩至大至重既知巡
方至重且大而胡爲停耶又云不知皇上遣何官是明揣按差將
復而故以言餽之矣又云凡回道管事之官必非無故回道之人
夫進賢退不肖輔臣之責何不直指貪廉以佐朝廷澄敍之典而
乃閃灼變幻模稜兩可權之罪可勝言耶且也親喪關萬古綱常
即使奪情亦必軍國大事需其贊理而乃入闡取士衣錦披紅是
亦不可以已乎桃李情濃椿萱恩淡稍有不忍者如是乎既云半
身不遂自當引分求退而又曰一息尙存敢忘圖報眞正貪位慕

祿寡廉鮮恥始之不言以緘默爲苟容之計今日之言又以條陳爲護身之符政聖諭所云借朝廷之官以爲安身之地可謂權之炤膽鏡矣皇上不以臣言爲妄伏乞大振乾斷速賜罷斥以爲不言溺職之戒儻曰投誠有功少爲寬假皇上封前廕後屢賜賞賚已足酬之豈有半身不遂緘口不言終爲輔臣之理臣從朝廷起見故冒犯勢要亦所不恤臣無任竦息待命之至緣係輔臣飾詞掩罪虧忠孝之道負特簡之恩祈賜罷斥以清政本事理臣未敢擅便謹題請旨順治八年閏二月二十日

旨吏部一併議奏

吏部議陳調元王廷諫參宋權本

吏部和碩巽親王臣滿達亥等謹題爲聖政方在鼎新大臣不宜溷瀆敬循職摘參仰祈聖鑒以別相品以候乾斷事考功清吏司

案呈奉本部送吏科抄出禮科右給事中陳調元題前事內開臣竊念內三院之設

中略

奉聖旨吏部議奏欽此又該兵科給事中

王廷諫題爲輔臣飾詞掩罪

中略

奉聖旨吏部一併議奏欽此欽

遵通抄到部送司案呈到部該臣等議得宋權條陳三款果屬雷同且以凶服而入闈取士宜乎科臣之指摘也據疏稱半身不遂既係病軀應准致仕回籍恭候命下臣部行令遵奉施行爲此具本謹題請旨順治捌年三月十六日固山額真公吏部尙書臣譚太固山額真尙書臣朱馬喇太子太保尙書臣陳名夏侍郎臣哈哈木臣雅棲都察院右都御史管吏部左侍郎事兼內翰林秘書院侍讀學士臣高爾儼都察院右都御史管吏部右侍郎事臣孫承澤侍郎臣周國佐啓心郎臣馬進納理事官臣穆成格臣杭愛臣修學文啓心郎臣宜成格臣盧興祖副理臣楊雀祥考功清吏

司郎中加壹級臣金拱敬

旨宋權著致仕回籍

杜篤祐參劉顯績本

吏科左給事中臣杜篤祐謹題爲題明陞補吏都之例並陳科臣爭求阻撓之私仰乞聖鑒事竊照吏科都給事中臣杜立德已陞太常寺少卿所遺員缺即應移部請補臣查會典開載都給事中有缺於左右給事中內陞用此從來正例也後偶有以都調吏都者或係朝廷特旨或因左給事中資俸有礙權爲調都六科須知之書並前調杜立德之移文手本現在可查今刑科左給事中魏象樞資俸相應才望素著立朝侃侃屢有直言此舉朝所共知也應陞補吏科都給事中查得會典六科掌印員缺俱該科左右等給事中具請臣係吏左移文首先書名職掌所關遵照正例詳議

奏

杜篤祐參劉顯績本 二十四

掌故叢編